




Tun Ghazali membaca surah Yasin bersama Tan Sri Abdul Rahman Jalal.



ADIK BERTEMU ABANG... Alangkah gembiranya apabila adik Tun Ghazali, Hajjah Halimah, 81 tahun, tiba di masjid untuk mengucapkan selamat hari lahir kepada abangnya. Kelihatan mereka bersalam mesra setelah sekian lama tidak bersua muka.



Tun Ghazali dipapah berjalan menuju ke Masjid diiringi oleh dua orang anak saudaranya.



Membaca Surah Yasin beramai-ramai. Duduk di kerusi dari kiri : Tan Sri Dr Abdul Majid Ismail; Tan Sri Abdul Rahman Jalal dan Tun Ghazali. Duduk kelihatan di bawah dari kanan : Idris Tulis dan Datuk Azmi Tan Sri Mohd Razali.



Tan Sri Abdul Rahman Jalal, bekas diplomat mengucapkan tahniah dan selamat hari lahir kepada Tun Ghazali.

< Tun Ghazali mengucapkan terima kasih kepada Idris Tulis kerana masih mengingati beliau dengan hadir di hari kelahirannya yang ke 85.

HARI KELAHIRAN 'KING GHAZ' KE 85

Oleh : Pemberita ERA BARU


BEKAS Menteri Luar Negeri, Tun Dr Mohd Ghazali bin Shafie yang juga dikenali dengan gelaran 'King Ghaz' telah menyambut Hari Kelahirannya yang ke 85 baru-baru ini di Masjid Al-Mukminin di USJ2. Beliau dilahirkan pada 22 Mei 1922 di Pahang.

Majlis tersebut dimulakan dengan doa kesyukuran dan bacaan Surah Yasin yang disertai oleh lebih kurang 100 tetamu dari kaum keluarga terdekat, sahabat-sahabat lama dan bekas-bekas pegawai dari Wisma Putra dan anak-anak yatim. Tun Ghazali kelihatan sihat dan ceria hanya terpaksa dipapah apabila berjalan. Beliau masih mampu mengenali orang-orang yang mendekati beliau dan pendengaran beliau juga masih baik.

Diantara para tetamu yang hadir untuk meraikan Tun Ghazali ialah Tan Sri Abdul Rahman Jalal, Tan Sri Dr Abdul Majid Ismail, Tawfik Tun Dr Ismail, Tan Sri Abdul Kadir Mohamad, Dato' H.M. Shah, Dato' Abdul Wahab Majid dan beberapa sahabat lain.

Tun Ghazali akan sentiasa dikenang sebagai penggerak utama dibalik pemerintahan Perdana Menteri, Tun Abdul Razak Dato' Hussein untuk beberapa ketika. Tun Ghazali dan Tun Abdul Razak adalah sahabat dan rakan seperjuangan. Mereka mengenali diantara satu sama lain sejak remaja lagi. Perhubungan yang mesra dan erat terjalin apabila mereka sama-sama menuntut di Kolej Raffles, Singapura, pada tahun 1941, dikala mana semangat kebangsaan sudah mula menular di

Anak-anak yatim piatu berbaris untuk bersalaman dan mengucapkan Selamat hari lahir kepada Tun Ghazali.



Mengaminkan doa, kelihatan Tan Sri Abdul Majid Ismail, Tan Sri Abdul Rahman Jalal dan Tun Ghazali.

pada 14 Januari 1976, di London, Tun Hussein Onn yang mengambil alih sebagai Perdana Menteri, berhasrat untuk melantik Tun Ghazali sebagai orang nombor dua atau Timbalan Perdana Menteri dalam kabinetnya, tetapi Tun Hussein Onn telah memilih untuk melantik Tun Dr Mahathir Mohamad sebagai timbalannya. Ini adalah disebabkan Tun Dr Mahathir adalah salah seorang dari tiga pemimpin tertinggi UMNO yang memenangi kerusi Naib Presiden ketika itu. Dua lagi Naib Presiden ialah Tun Abdul Ghafar Baba dan Tengku Razaleigh Hamzah.

Sungguhpun Tun Dr Mahathir Mohamad berada ditangga yang ketiga sebagai Naib Presiden selepas Tun Ghafar Baba dan Tengku Razaleigh Hamzah, namun setelah berbincang dari hati ke hati dengan Tun Hussein Onn maka Tun Ghafar Baba dan Tengku Razaleigh bersetuju memberi laluan kepada Tun Dr Mahathir Mohamad untuk mengisi jawatan Timbalan Perdana Menteri yang dikosongkan oleh Tun Hussein Onn.

Disiarkan disini gambar-gambar yang telah dirakamkan oleh ERA BARU dimajlis Hari Kelahiran Tun Ghazali yang ke 85 itu. Disamping itu, ERA BARU mengucapkan setinggi-tinggi tahniah kepada Tun Ghazali dihari kelahirannya diiringi dengan doa agar beliau sentiasa berada dalam kesihatan yang baik dan di panjangkan umur.

ERA BARU juga mengucapkan terima kasih di atas artikel beliau yang disiarkan berturut-turut dalam ERA BARU berkaitan UMNO dan masalah orang Melayu dan juga di atas sokongan moral dan minatnya terhadap ERA BARU selama ini.